

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Breviarium Einsidlense - Cod. Ettenheim-Münster 38

[S.l.], 1788

Die II. Iulii. In commemoratione S.P.N.B. Duplex II. classis cum octava

[urn:nbn:de:bsz:31-108133](https://nbn-resolving.org/urn:nbn:de:bsz:31-108133)

Die ii. Iulii.

In Commemoratione S. P. N. B.

Duplex II. Classis cum Octava.

Lectio V.

Cùm gens Longobardorum inter cætera sua facinora post obitum Sancti Patris Benedicti Monasterium, quod in monte Cassino construxerat, deprædasset, ibi tamen nec unum tenere potuit hominem, sed implevit Dominus, quod famulo suo Benedicto, qui hanc everfionem legitur prædixisse, promiserat: quod etsi locum ipsum gentibus traderet, animas custodiret. Fugientibus itaque Monachis, et posthac multis effluentibus annis, idem locus redactus ad eremum, qui priùs habitatio fuerat hominum, cæpit esse ferarum.

*Præsentes
Lectiones
non
leguntur,
sed ea
quæ sunt
in Brev.
Veteri
positæ.*

Rx. O laudanda Sancti Benedicti mérita gloriosa, qui dum pro Christo Patriam, mundi que spreuit pompam, adeptus est omnium contubernium beatorum *Et particeps factus præmiorum æternorum. V. Inter choros Confessorum splendidum possidet locum, ubi ipsum Fontem omniū intuetur bonorum. *Et particeps.

Lectio VI.

Tandem regnante super Francos Rege Clodovæo secundo Dagoberti filio, cū venerabilis Abbas Mummolus monasterio Floriacensi præesset, unum de suis monachis nomine Aygulfum, qui postea Martyr effectus est, misit ad montem Cassinum, sicut in somnis præmonitus fuerat, ut exinde Corpus prædicti Patris Benedicti deferret.

Tunc præfatus Aygulfus mandatum, quod
 acceperat, perficere cupiens, montē Caf-
 sinum expetiit: ubi cū orasset Dominū,
 quemdam venerabilem senem reperiens,
 hæc ab eo audivit: hac instanti nocte so-
 litudinis eius locum, quem lumine clarif-
 simo radiare conspexeris, notare dili-
 genter invigiles: nam ibidem, unde cu-
 ræ tuæ finis imponatur, invenies.

Rx. Cū sanctus Benedictus in cella
 confisteret, elevatis sursum oculis, vidit
 Sororis suæ animam de corpore eius e-
 gressam, * In columbæ specie cœli secre-
 ta penetrare. V. Qui tantæ eius gloriæ con-
 gaudens omnipotenti Deo gratias retulit,
 eiúsque obitum Fratribus denuntiavit.*
 In columbæ.

Lectio VII.

Nocte igitur insecuta evigilans Aygulf, et locum considerans, beati Benedicti sepulchrum vidit magno lumine cœlitus illustratum: ad quod manè reverenter accedens, quidquid ibidem reperit, in sportella, quam ad hoc præparaverat, collocavit. Cùmque ipse et eius socii venientes in pagum Aurelianensem, in quodam prædio Bonodio nomine consedissent: cæcus quidam, qui sanctum Benedictum magnis vocibus invocabat, ut sibi præstaret lumina, quæ negaverat natura, mox visum recepit.

¶ Intempestæ noctis hora Vir Dei instans vigiliis assiduæ orationis, velut sub uno solis radio * Omnem mundum collectū conspexit. ¶ Videnti enim Creatorem an-

gusta est omnis creatura. * Omnem mundū.

Lectio VIII.

Corpus itaque beatissimi Benedicti præfati Mummolus Abbas, et venerabilis Aygulfus levantes, in Basilica sancti Petri Apostoli posuerunt: quod tamen postmodum in Ecclesiam beatissimæ Virginis ornatam in melius, quinta die Decembris honorificè tumularunt. Cùm enim idem ^{= Abbas} Mummolus nocte quadam oraret, subito lux emissa de coelo in modum facis ante frontem eiusdem Ecclesiæ visibiliter sibi apparuit: quæ locum, ubi Corpus Sanctissimum reponi deberet manifestissime denotavit. Translata sunt etiam ossa beatæ Scholasticæ Virginis sororis eius, quæ resurrectione puellæ mortuæ à Benedicti ossibus discreta Cœnomannis illata fuerunt: ibique magnis sumptibus ædificata est Basilica nobilium Sanctimonialiū, quæ magnis miraculorum insignibus est illustrata.

R̄. Pater Sanctus, dum intentam oculorū
 áciem in splendore coruscæ lucis habere –
 videretur, vidit Germani animam Capua-
 ni Episcopi, * In Sphæra ignea ab Angelis
 in coelum deferri. V. Factúmque est, et Re-
 verendissimum Virum Germanum Episcopū,
 is, qui missus fuerat, iam defunctum répe-
 rit. * In Sphæra. V. Gloria. * In Sphæra.

In III. Nocturno.

Antiphona. Benedictum propheticis condeco-
 remus canticis, qui tam fultit prophetiá,
 quàm et doctrinæ gratiá.

Canticum. Beatus vir, qui in sapientia mo-
 rabitur: * et qui in iustitia sua &c.

Reliqua, ut in Breviario Einsidlensi habentur.

Missa propria, dicitur Credo.
